

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi Prečišćeni tekst i 37/14 - Ispravka) i člana 9. Uredbe o postupku finansiranja dijela minimalne mjesečne neto plaće (u FBiH) za mjesec april i maj 2020. godine ("Službene novine Kantona Sarajevo", broj 21/20 i 23/20), Vlada Kantona Sarajevo, na 25. sjednici održanoj 09.07.2020. godine, donijela je

**ODLUKU**  
**O IZNOSU DIJELA MINIMALNE MJESEČNE NETO PLAĆE (U FBiH) ZA MJESEC**  
**APRIL I MAJ 2020. GODINE**

*(„Službene novine Kantona Sarajevo“, broj 28/20) (23.7.2020.)*

**Član 1.**

Ovom Odlukom utvrđuju se iznosi dijela minimalne mjesečne neto plaće (u FBiH) za isplatu poslovnim subjektima koji ispunjavaju sve potrebne uslove za mjesec april, odnosno maj 2020. godine.

**Član 2.**

(1) Poslovnim subjektima, osim fizičkim licima koja samostalno obavljaju registrovanu poslovnu djelatnost kao osnovno zanimanje ili dodatno zanimanje, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu, isplatit će se dio minimalne mjesečne neto plaće (u FBiH) po uposlenom, kako slijedi:

- a) 50% minimalne mjesečne neto plaće (u FBiH) za subjekte koji imaju pad prometa veći od 40% do 70%, što iznosi 203,00 KM,
- b) 100% minimalne mjesečne neto plaće (u FBiH) za subjekte koji imaju pad prometa veći od 70%, što iznosi 406,00 KM.

(2) Fizičkim licima koja samostalno obavljaju registrovanu poslovnu djelatnost kao osnovno zanimanje ili dodatno zanimanje, a koja u skladu sa propisima o porezu na dohodak, porez na dohodak po tom osnovu plaćaju prema paušalnom utvrđenom iznosu, isplatit će se 50% minimalne mjesečne neto plaće (u FBiH) po uposlenom, što iznosi 203,00 KM.

**Član 3.**

Isplata sredstava iz člana 2. ove Odluke tereti Budžet Kantona Sarajevo za 2020. godinu, poziciju Ministarstva privrede Kantona Sarajevo: Ekonomski kod 614500, subanalitika IAP001 - Fond podrške privredi zbog posljedica izazvanih pandemijom koronavirusa".

**Član 4.**

Ova Odluka stupa na snagu danom donošenja, a objavit će se u "Službenim novinama Kantona Sarajevo".